

四庫全書

經部

欽定四庫全書

經部

五禮通考卷一百四十九

詳校官太常寺少卿臣陳桂森

給事中臣溫常總覆勘

總校官進士臣繆 琦

校對官學正臣常 翳

詹錄監生臣阮鍾環

欽定四庫全書

五禮通考卷一百四十九

刑部尚書秦蕙田撰

嘉禮二十一

冠禮

史記始皇本紀始皇九年四月己酉王冠帶劍

漢書惠帝本紀四年三月甲子皇帝冠赦天下

蕙田案此皇帝冠肆赦之始

通典漢改皇帝冠為加元服惠帝加元服用正月甲子若丙子為吉

蕙田案甲子丙子用剛日也亦桑弧蓬矢之意

景帝本紀景帝後三年正月皇太子冠賜民為父後者爵一級

三輔黃圖博望苑武帝立子據為太子為太子開博望苑漢書曰武帝年二十九乃得太子甚喜太子冠

為立博望苑使之通賓客從其所好

蕙田案太子年甫冠即通賓客從其所好失豫教之道矣

昭帝本紀元鳳四年帝加元服見於高廟賜諸侯王丞相大將軍列侯宗室下至吏民金帛牛酒各有差賜中二千石以下及天下民爵毋收四年五年口賦三年以前逋更賦未入者皆勿收

蕙田案冠而見廟始見於此

續漢書禮儀志注博物記曰孝昭帝冠辭曰陛下擣顯先帝之光耀以承皇天之嘉祿欽奉仲春之吉辰普尊大道之邦域秉率百福之休靈始加昭明之元服推遠冲孺之幼志蘊積文武之就德肅勤高祖之清廟六合之內靡不蒙德永永與天無極

蕙田案此別製冠詞之始時用仲春不用正月蓋不拘於時矣

宣帝本紀五鳳元年皇太子冠皇太后賜丞相將軍列

侯中二千石帛人百匹大夫八十八匹又賜列侯嗣子爵五大夫男子為父後者爵一級

元帝本紀竟寧元年皇太子冠賜列侯嗣子爵五大夫天下為父後者爵一級

漢書匡衡傳衡上疏曰臣聞室家之道修則天下理得故詩始國風禮本冠昏適子冠乎阼禮之用醴衆子不得與列所以貴正體而明嫌疑也非虛加其禮文而已乃中心與之殊異故禮探其情而見之外也

哀帝本紀孝哀皇帝元帝庶孫定陶恭王子也年三歲
嗣立為王元延四年入朝盡從傳相中尉上以問定陶
王對曰令諸侯王朝得從其國二千石上令誦詩通習
能說成帝由此賢定陶王數稱其材為加元服而遣之
時年十七矣

平帝本紀元始五年冬十二月丙午崩有司議曰禮臣
不殯君皇帝年十有四歲宜以禮斂加元服奏可

司馬彪漢儀志漢制正月甲子若丙子為吉日可加

元服儀從冠禮乘輿初加緇布進賢次爵弁次通天
冠訖皆於高廟如儀謁見

蕙田案漢禮用四加

續漢書加元服乘輿皆於高祖廟謁見案世祖廟始
冠緇布冠於宗廟從古制

漢書王莽傳莽令天下冠以戊子為元日婚以戊寅
之旬為忌日百姓多不從者

後漢書和帝本紀永元三年皇帝加元服賜諸侯王公

將軍特進中二千石列侯宗室子孫在京師奉朝請者
黃金將大夫郎吏從官帛賜民爵及粟帛各有差大酺
五日郡國中都官繫囚死罪贖纁至司寇作及亡命各
有差庚辰賜京師民酺布兩戶共一匹

通典黃香太子冠頌惟永元之盛代仰皇德之茂純
躬烝烝之至孝崇敬順以奉天以三載之孟春建寅
月之上旬皇帝將加玄冕簡甲子之元辰厥日正於
太皞厥時叶於百神皇輿幸夫金根駕元蚪之連蟠

建螭龍以為旂鳴節路之和鸞既臻廟以成禮乃迴
軫而反宮正朝服以享宴撞太簇之庭鐘祚蕃屏與
鼎輔暨夷蠻之君王咸進酒於金罍獻萬年之玉觴
蔡邕上始加元服與羣臣上壽表伏惟陛下應天淑
靈丁期中興誕及幼齡聖姿碩異威儀孔備俯仰龍
光顏如日星言稽典謨動蹠規矩緝熙光明思齊周
成早智夙就參美顯宗令月吉日始加元服進御幘
結以章天休臣妾萬國遐邇大小同喜逸豫式歌且

舞臣等不勝踴躍鳬藻謹奉生頭酒九鍾稽首再拜
上千萬壽陛下享茲吉福永守皇極通遵太和靖綏
六合宜民宜人受祿於天書曰一人有慶兆民賴之
其寧惟永詩曰顥顥印印如圭如璋令聞不忘萬壽
無疆

後漢書周防傳防年十六仕郡小吏世祖巡狩汝南
召掾史試經防能誦讀拜為守丞防以未冠謁去
下邳惠王衍傳衍有容貌肅宗即位常在左右建初

初冠詔賜衍師傅已下官屬金帛各有差

馬防傳防為衛尉子鉅為常從小侯六年正月以鉅當冠特拜為黃門侍郎肅宗親御章臺下殿陳鼎俎自臨冠之

蕙田案皇帝臨冠廷臣止此

後漢書安帝本紀永初三年皇帝加元服大赦賜王主貴人公卿以下金帛各有差男子為父後及三老孝悌力田爵人二級流民欲占者人一級

順帝本紀永建四年正月丙子帝加元服賜王主貴人公卿以下金帛各有差賜男子爵及流民欲占者人一級為父後三老孝悌力田人二級鰥寡孤獨篤癃貧不能自存者人帛一匹

晉書禮志周禮雖有服冕之數而無天子冠文儀禮云公侯之有冠禮夏之末造也王鄭皆以為夏末上下相亂篡弑由生故作公侯冠禮則明無天子冠禮之審也大夫又無冠禮古者五十而後爵何大夫冠

禮之有周人年五十而有賢才則試以大夫之事猶行士禮也故筮日筮賓冠於阼以著代醮於客位三加彌尊皆士禮耳然漢代以來天子諸侯頗採其儀正月甲子若丙子為吉日可加元服儀從冠禮是也漢順帝冠又兼用曹褒新禮乘輿初加緇布進賢次爵弁武弁次通天皆於高廟以禮謁見世祖廟王公以下初加進賢而已案此文始冠緇布從古制也冠於宗廟是也

蕙田案據晉志曹褒新禮皇帝冠於高廟惟
皇帝四加初用緇布冠王公以下三加初加
進賢冠則不用緇布冠也

桓帝本紀建和二年皇帝加元服大赦天下賜河間渤海二王黃金各百斤彭城諸國王各五十斤公主大將軍三公特進侯中二千石二千石將大夫郎吏從官四姓及梁鄧小侯諸大夫以下帛各有差年八十以上賜米酒肉九十以上加帛二匹綿三斤

靈帝本紀建寧四年帝加元服大赦天下賜公卿以下各有差惟黨人不赦

禮儀志注獻帝傳興平元年帝加元服司徒淳于嘉為賓加賜元纁駟馬貴人公主卿司隸城門五校及侍中尚書給事黃門侍郎各一人為太子舍人

蕙田案加元服用賓見此

禮儀志注獻帝起居注曰建安十八年正月濟北王加冠戶外以見父母給事黃門侍郎劉曠魚侍中假

貂蟬加濟北王給之

通典後漢何休冠儀約制將冠子者具衣冠冠者父兄若諸父宗族之尊者一人為主主人告所素敬僚友一人為冠賓必自告其家告曰某之子某若弟某長矣將加冠於首願吾子教之賓既許主人自定吉日先冠一日宿告賓曰請以明日行事賓曰敢不從命主人灑掃内外皆肅執事者於兩楹間為冠者設北享筵又設賓東享筵兩筵相接授冠以篋器設於

兩筵又設尊爵於東方冠者如常服待命於房夙興賓到迎延揖讓如常坐定執事自請行事主人跪告曰請勞吾子賓跪答曰敬諾賓起立西序東面聽命之禮畢冠者興西向拜賓賓答拜訖命就筵賓主各還坐冠者北享筵坐伏賓跪曰吾子之使請將命主人跪答曰勞吾子賓起就東享筵執事者執爵跪向冠者祝曰令月吉日始加元服棄爾幼志順爾成德壽考惟祺介爾景福冠者即坐賓跪加冠訖冠者執

爵醉地然後啐酒訖賓興復還本坐主人亦起乃俱坐冠者還房自整飾出拜父兄為起若諸父羣從及兄應答拜者答拜如常入拜母母答拜其餘兄弟姑姊妹皆相拜如常主人命冠者出更設酬為勸乃罷異日有祭事自告祖考者自如舊祭禮常儀

蕙田案此漢時士庶冠禮大概彷彿儀禮添

出拜父一節

右秦漢

三國魏志齊王本紀正始四年帝加元服賜羣臣各有
差

晉書禮志魏天子冠一加其說曰士禮三加加有成
也至於天子諸侯無加數之文者將以踐阼臨下尊
極德備豈得與士同也魏氏太子再加皇子王公世
子乃三加孫毓以為一加再加皆非也又舊禮皆冠
於廟自魏以來始於正殿行事別卜日謁廟侯太尉
奠獻九室以下帝袞服執鎮圭入再拜乃出會羣臣

通典其說曰古之士禮服必三加彌尊所以喻其志
至於天子諸侯數無文將以踐阼臨人尊極德成不
復與士以加喻勉為義禮冠於廟自魏不復在廟矣
蕙田案據此自魏以前天子加元服猶用古
禮至是始分一加二加三加之別又改為正
殿行事非禮也

晉書武帝本紀武帝泰始七年皇太子冠賜王公以下
帛各有差

禮志惠帝之為太子將冠武帝臨軒使兼司徒高陽王
珪加冠兼光祿大夫屯騎校尉華廩贊冠

蕙田案臨軒行事從魏制也

秦始十年南宮王承年十五依舊應冠有司奏議禮十
五成童國君十五而生子以明可冠之宜又漢魏遣使
冠諸王非古典於是制王十五而冠不復加使命王虎
之云禮傳冠皆在廟案武帝既加元服車駕出拜於太
廟以告成也蓋亦猶擬在廟之儀 禮醮辭曰令月吉

日以歲之正以月之令案魯襄公冠以冬漢惠帝冠以二月明無定月而後漢以來帝加元服咸以正月及咸寧二年秋閏九月遣使冠汝南王東此則必非歲首

惠帝本紀惠帝永平元年皇太子冠見於太廟

禮志冠禮於廟然武惠冠太子太子皆即廟見斯亦擬在廟之儀也

通典晉王堪冠禮儀永平元年正月戊子冠中外四孫立於步廣里舍之阼階設一席於東廟引冠者以

長幼次於席南東上賓宗人立於西廂東面南上堪
立於東軒西南面西上陳元服於席上宗人執儀以
次呼冠者各應曰諾宗人申誠之曰以歲之正以月
之令兄弟具來咸加爾服棄爾幼志順爾成德敬慎
威儀惟人之則壽考惟祺永受景福冠者皆跪而冠
各自著布輿再拜從立於賓南上酌四杯酒各拜醮
而飲事訖上堂向御史府君再拜訖冠者皆東面坐

如常燕禮

蕙田案此晉士大夫冠禮

成帝本紀咸康元年春正月庚午朔帝加元服大赦改元增文武位一等大酺三日賜鰥寡孤獨不能自存者米人五斛

禮志江左諸帝將冠金石宿設百僚陪位又豫於殿上鋪大牀御府令奉冕幘簪導袞服以授侍中常侍太尉加幘太保加冕將加冕太尉跪讀祝文曰今月吉日始加元服皇帝穆穆思弘袞職欽若昊天六合

是式率遵祖考永永無極眉壽惟祺介茲景福加冕訖侍中繫玄紱侍中脫帝絳紗服加衮服冕冠事畢太保率羣臣奉觴上壽王公以下三稱萬歲乃退華恒傳恒領太常及帝加元服寇難之後典籍靡遺冠禮無所依據恒推尋舊典撰定禮儀事並施用蕙田案冠用金石之樂見此

孫毓五禮駁魏氏天子一加三加嫌同諸侯毓案玉藻記曰元冠朱組纓天子之冠也緇布冠纘綺諸侯

之冠也其說謂皆始冠則是有次加之辭此二冠卑服質古勢不一加必重加朝祭之服以崇彌尊聖人制禮所以一時歷加衆服者今始成人卜擇令日而徧加之所以重始也若冠日有不加者後必不擇吉而服非重始也又禮器有以少為貴者冠不在焉記有彌尊喻志之言蓋以服從卑始象德日新不可先服尊服轉而即卑今嫌士禮喻志之文因從魏氏一加之制考之玉藻似非古典今三加者先冠皮弁

次冠長冠後冠進賢冠以為彌尊於意又疑裴顥答治禮問天子禮元冠者形之成也為君未必成人故君位雖定不可孩抱而服冕弁摯虞以為天子即位之日即為成君冕服以備不宜有加諸侯即位為成豈不定諸侯成君不拘盛典而可以冠天子成君獨有火龍黼衣便不可乎意為宜冠有加

蕙田案魏氏一加非禮也孫毓等議是

穆宗本紀升平元年正月帝加元服告於太廟始親萬

幾大赦改元增文武位一等

禮志穆帝孝武將冠皆先以幣告廟訖又廟見也

通典臺符問修復未畢吉凶不相干可加元服與不
太常王彪之議禮有喪冠當是應冠之年服制未終
若須服終便失應冠之年故也禮所以冠無定時月
春夏不可使用秋冬若今歲內修復未畢入新年卜
仲春之日加元服不失年不失禮今便準喪冠闋享
樂而行事誠有依傍然加袞冕火龍煥然以準喪儀

情有不體若別有事必速加元服權諸輕重不須修復畢者便當準喪冠耳又議新年至尊當加元服今若依成帝故事用三元日者冠有金石之樂恐修山陵未畢於樂便闋禮冠自卜日又云夏葛屨冬皮屨無定時不必三元也案晉故事及兩漢皆非三元當任時事之宜耳又議近訪得成皇帝加元服儀注闕無拜廟事案禮冠皆於廟儀禮云既畢賓出主人送於廟門明必在廟近代以來不復在廟成皇帝既加

元服拜太廟以告成蓋亦猶擬在廟之儀今既加元服亦應拜廟

蕙田案王彪之議頗得漢魏之詳所稱冠無定時日必在廟尤合禮意

孝武帝本紀太元元年帝加元服見於太廟

康獻褚皇后傳穆帝既冠太后詔曰昔遭不造帝在幼冲皇緒之微妙若贅旒百辟卿士率遵前朝勸喻攝政以社稷之重先代成義餽俛敬從弗遑固守仰

憑七廟之靈俯仗羣后之力帝加元服禮成德備當
陽親覽臨御萬國今歸事反政一依舊典於是居崇
德宮簡文帝即位尊后為崇德太后及帝崩孝武帝
幼沖太后復臨朝帝既冠乃詔曰皇帝昏冠禮備遐
邇宅心宜當陽親覽緝熙維始今歸政事率由舊典
於是復稱崇德太后

安帝本紀隆安元年帝加元服增文武位一等

晉書輿服志緇布冠蔡邕云即委貌冠也太古冠布

齊則縕之縕布冠始冠之冠也其制有四形一似武
冠又一似進賢其一上方其下加幘顏其一刺上而
方下進賢冠古縕布遺象也斯蓋文儒者之服前高
七寸後高三寸長八寸有五梁三梁二梁一梁人主
元服始加縕布則冠五梁進賢三公及封郡公縣公
郡侯縣侯鄉亭侯則冠三梁卿大夫八座尚書關中
內侯二千石及千石以上則冠兩梁中書郎秘書丞
郎著作郎尚書丞郎太子洗馬舍人六百石以下至

於令史門郎小吏並冠一梁漢建初中太官令冠兩
梁親省御膳為重也博士兩梁崇儒也宗室劉氏亦
得兩梁冠示加服也

蕙田案此以進賢冠為緇布冠遺象故晉王
公以下初加進賢冠惟天子用古制始加緇
布也進賢冠又以梁之多少分貴賤

宋書文帝本紀元嘉十六年十二月乙亥皇太子冠大
赦天下

孝武帝本紀孝武帝大明七年冬十月壬寅太子冠賜王公以下帛有差

宋謝莊太子元服上至尊表伏惟皇太子殿下明兩承乾元良作貳抗法迂身英華自遠樂以修中禮以治外三美克懋德成教尊今日昭辰顯加元服對靈祇之望傳上庠之歡率天罄世莫不載躍 上太后表離景承宸樞光陪極毓問東華飛英上序樂正歌風司成頌德清明神鏡溫文在躬練日簡辰顯被元

服懋三王之教燭少陽之重

後廢帝本紀元徽二年御加元服大赦賜民男子爵一級為父後及三老孝悌力田者爵二級鰥寡孤獨篤癃不能自存者穀五斛年八十以上加帛一匹大酺五日賜王公以下各有差

南齊書鬱林王本紀鬱林王昭業文惠太子長子封南郡王永明五年冠於東宮崇政殿其日小會賜王公以下帛各有差

禮志永明五年十月有司奏南郡王昭業冠求儀注未
有前準尚書令王儉議皇孫冠事歷代所無禮雖有嫡
子嫡孫然而地居正體下及五世今南郡王體自儲暉
實惟國裔元服之典宜異列蕃案士冠禮主人元冠朝
服賓加其冠贊者結纓鄭元云主人冠者之父兄也尋
其言父及兄則明祖在不為主也大戴禮記公冠篇云
公冠自為主四加玄冕以卿為賓此則繼體之君及帝
之庶子不得稱子者也小戴禮記冠義云嫡子冠於阼

以著代也醮於賓位三加彌尊加有成也注稱嫡子冠
於阼庶子冠於房記又云古者重冠故行之於廟所以
自卑而尊先祖也據此而言彌與鄭注儀禮相會是故
中朝以來太子冠則皇帝臨軒司徒加冠光祿贊冠諸
王則郎中加冠中尉贊冠今同於儲皇則重依於諸王
則輕又春秋之義不以父命辭王父命禮父在斯為子
君在斯為臣皇太子居臣子之節無專用之道南郡雖
處蕃國非支庶之列宜稟天朝之命徵申冠阼之禮晉

武帝詔稱漢魏遣使冠諸王非古正典此蓋謂庶子封王合依公冠自主之義至於國之長孫遣使為允宜使太常持節加冠大鴻臚為贊醮酒之儀亦歸二卿祝醮之辭附準經記別更撰立不依蕃國常體國官陪位拜賀自依舊章其日內外二品清官以上詣公車門集賀并詣東宮南門通牋別日上禮宮臣亦詣門稱賀如上臺之儀既冠之後寃日謁廟以宏尊祖之義此既大典宜通闕八座丞郎并下二學詳議僕射王奐等十四人

議並同并撰立贊冠醮酒二辭詔可祝辭曰皇帝使給事中太常武安侯蕭惠基加南郡王冠祝曰筮日筮賓肇加元服棄爾幼志從厥成德親賢使能克隆景福醮酒辭曰吉酒既清嘉薦既盈兄弟具在淑慎儀型永屆眉壽於穆斯寧

蕙田案此天子嫡孫冠禮王儉等議是也集賀上禮見此

明帝本紀建武三年皇太子冠賜王公以下帛各有差

為父後者賜爵一級斷遠近上禮

禮志明帝永泰元年徐孝嗣議曰案士冠禮三加畢乃醴冠者醴則惟一而已故醴辭無二若不醴則每加輒醮以酒故醮辭有三王肅云醴本上古其禮重酒用時味其禮輕故也或醴或醮二三之義詳記於經文今皇王冠畢一酌而已即可擬古設醴而猶用醮辭實為乖衷謂自今王侯以下冠畢一酌醴以遵古之義醴即用舊文於事為允

蕙田案用醴一酌徐議是

梁書武帝本紀天監十四年正月皇太子冠赦天下賜
為父後者爵一級王公以下頒賚各有差停遠近上慶
禮

蕙田案通典政和禮儀俱作十三年與本紀
不同

梁蕭子範冠子箴是月惟令敬擇良辰式遵士典誥
筮於賓嘉字爰錫醮酒方陳禮莊爾質德成爾身永

變童心長移悼齒朱錦辭髮青絢在履丹石為操冰
泉厲已務簡朋正田蘓遊止在我尚謙推物盡美而
謫退言弗納於耳直弦矢辭斯為良士

沈約冠子祝文蠲茲令日元服肇加成德既舉童心
自化行之則至無謂道賒敦以秋實食以春華無恥
下問乃至高車子孫千億廣樹厥家

阮孝緒傳孝緒字士宗陳留尉氏人也年十三徧通
五經十五冠而見其父彥之戒曰三加彌尊人倫之

始宜思自勗以庇爾躬答曰願迹松子於瀛海追許
由於穹谷庶保促生以免塵累自是屏居一室非定
省未嘗出戶家人莫見其面親友因呼為居士

陳書文帝本紀天嘉六年春皇太子加元服王公以下
賜帛各有差孝悌力田為父後者賜爵一級鰥寡孤獨
不能自存者穀人五斛

後主本紀至德二年秋七月太子加元服在位文武賜
帛各有差孝悌力田為父後者各賜一級鰥寡癃老不

能自存者人穀五斛

北魏書高祖本紀高祖太和十九年皇太子冠於廟
禮志太和十九年五月甲午冠皇太子恂於廟丙申高
祖臨光極堂太子入見帝親詔之事在恂傳六月高祖
臨光極堂引見羣官詔曰比冠子恂禮有所闕當思往
失更順將來禮古今殊制三代異章近冠恂之禮有三
失一朕與諸儒同誤二諸儒違朕故令有三誤今中原
兆建百禮維新而有此三失殊以愧歎春秋襄公將至

衛以同姓之國問其年幾而行冠禮古者皆灌地降神
或有作樂以迎神昨失作樂至廟庭朕以意而行拜禮
雖不得降神於理猶差完司馬彪云漢帝有四冠一繙
布二進賢三武弁四通天冠朕見家語冠頌篇四加冠
公也家語雖非正經孔子之言與經何異諸儒忽司馬
彪四冠之志致使天子之子而行士冠禮此朝廷之失
冠禮朕以為有賓諸儒皆以為無賓朕既從之復令有
失孔所云斐然成章其斯之謂太子太傅穆亮等拜謝

高祖曰昔裴頠作冠儀不知有四裴頠尚不知卿等復何愧

廢太子恂傳太和十七年七月癸丑立恂為皇太子及冠恂於廟高祖臨光極東堂引恂入見誠以冠義曰夫冠禮表之百代所以正容體齊顏色順辭令容體正顏色齊辭令順故能正君臣親父子和長幼然母見必拜兄弟必敬責以成人之禮字汝元道所寄不輕汝當尋名求義以順吾旨

蕙田案此用冠於廟之禮從古也所謂三失不作樂一也不用四加二也不用賓三也親臨告誠不傳制尤為重禮

肅宗本紀正光元年秋帝加元服內外百官進位一等禮志肅宗加元服時年十一既冠拜太廟大赦改元官有其注

劉芳傳王肅之來奔也高祖雅相器重朝野屬目芳未及相見高祖宴羣臣於華林肅語次云古者惟婦

人有笄男子則無芳曰推經禮正文古者男子婦人俱有笄肅曰喪服稱男子免而婦人髽男子冠而婦人笄如此則男子不應有笄芳曰此專謂凶事也禮初遭喪男子免時則婦人髽男子冠時則婦人笄言俱時變而男子婦人免髽冠笄之不同也又冠尊故奪其笄稱且互言也非謂男子無笄又禮內則稱子事父母雞初鳴櫛纏笄總以茲而言男子有笄明矣高祖稱善者久之肅亦以芳言為然曰此非劉石經

耶

北齊書後主本紀 天統三年二月帝加元服大赦九州
職人各進四級內外百官普進二級

隋書禮儀志後齊皇帝加元服以玉帛告圜丘方澤以
幣告廟擇日臨軒中嚴羣官位定皇帝著空頂介幘以
出太尉盥訖升脫空頂幘以黑介幘奉加訖太尉進太
保之右北面讀祝訖太保加冕侍中繫玄絃脫絳紗袍
加袞服事畢太保上壽羣官三稱萬歲皇帝入溫室移

御座而不上壽後日文武羣官朝服上禮酒十二鍾米
十二囊牛十二頭又擇日親拜圜丘方澤謁廟 皇太
子冠則太尉以制幣告七廟擇日臨軒有司供帳於崇
正殿中嚴皇太子空頂幘公服出立東階之南西面使
者入立西階之南東面皇太子受詔訖入室盥櫛出南
面使者進揖詣冠席西面坐光祿卿盥訖詣太子前梳
櫛使者又盥奉進賢三梁冠至太子前東面祝脫空頂
幘加冠太子興入室更衣出又南面就席光祿卿盥櫛

使者又盥祝脫三梁冠加遠遊冠太子又入室更衣設席中楹之西使者揖就席南面光祿卿洗爵酌醴使者詣席前北面祝太子拜受醴即席坐祭之啐之奠爵降階復本位西面三師三少及在位羣臣拜事訖又擇日會宮臣又擇日謁廟

五禮新儀至設會因奉觴上壽禮各有宜也辭云某臣某言伏惟皇帝陛下吉辰元服禮制樂和臣等不勝大慶謹上萬歲壽也

蕙田案齊制太子初加黑介幘次加冕皇太子初加進賢次加遠遊冠止似二加未詳其義

北周書宣帝本紀宣帝高祖長子也建德元年高祖親告廟冠於阼階立為皇太子

蕙田案親告廟而冠於阼階是在廟也

右三國南北朝

隋書禮儀志隋皇太子將冠前一日皇帝齋於大興殿

皇太子與賓贊及預從官齋於正寢其日質明有司告廟各設筵於阼階皇帝袞冕即御座賓揖皇太子進升筵西向坐贊冠者坐櫛設纓賓盥訖進加緇布冠贊冠進設頰纓賓揖皇太子適東序衣玄衣素裳以出贊冠者又坐櫛賓進加遠遊冠改服訖賓又受冕太子適東序改服以出賓揖皇太子南面立賓進受醴進筵前北面立祝皇太子拜受禪賓復位東面答拜贊冠者奉饌於筵前皇太子祭奠禮畢降筵進當御東面拜納言承

詔詣太子戒訖太子拜贊冠者引太子降自西階賓少進字之贊冠者引皇太子進立於庭東面諸卿拜訖贊冠者拜太子皆答拜與賓贊俱復位納言承詔降命令有司致禮賓贊又拜皇帝降復阼階拜皇太子以下皆拜皇帝出更衣還宮皇太子從至闕因入見皇后拜而還

蕙田案初加緇布次加遠遊次加冕三加也

唐書太宗本紀貞觀八年皇太子加元服降死罪以下

賜五品以上子為父後者爵一級民酺三日

通典貞觀五年有司上言皇太子將冠禮宜用二月
為吉請追兵以備儀注太宗曰今東作方興恐妨農
事令改用十月太子少保蕭瑀奏稱准陰陽家用二
月為勝上曰陰陽拘忌朕所不行若動靜必依陰陽
不顧禮義欲求福祐其可得乎若所行皆遵正道自
然當為吉會且吉凶在人豈假陰陽拘忌農事甚要
不可輕失

原本退兵閱疑
本作遣官

高宗本紀永徽六年皇太子加元服降死罪以下賜酺三日五品以上為父後者勲一轉

顯慶四年十月皇太子加元服大赦賜五品以上子孫為祖父後者勲一轉民酺三日

唐會要開元六年侍中宋璟上表曰臣伏以太常狀以皇太子冠准東宮典記有上禮之儀謹案上禮非古從南齊後魏始有此事而垂拱神龍更扇其道羣臣歛錢獻食君上厚賜答之姑息施恩方便求利每

緣一事有此再煩齊魏乃吳虜之風故不足效後車
轍有前車之戒應當取適皇太子冠乃盛禮自然合
有錫賚上臺東宮兩處宴會非不優厚其上禮宜停
蕙田案上禮五禮精義云古者君臣之有嘉
事必設賀慶之禮所以通上下之情庾蔚之
云凡事吉則遣送酒肉以賀之則上禮自魏
行之晉王彪之云上禮惟酒犧而已犧十二
頭酒十二斛以應天地之大數也於朝堂設

禮訖牛酒付所司相沿已久習尚成風宋文
貞公以為羣臣歛錢為獻君上厚賜答之姑
息施恩方便求利應當停止可謂卓見矣

舊唐書元宗本紀開元八年春正月甲子朔皇太子加
元服

開元禮皇帝加元服卜日如別儀

告圜丘

方丘
附

前一日諸告官清齋於告所其守衛及設籩坫等前一

日陳設如巡狩圜丘攝事儀

告方丘自前一日陳設及告官清齋等亦如之為埋

燔於壇南外壇之內北出陛

未明二刻諸告官各服其服郊社令良

醞令入實樽罍及玉帛

太樽二一實明水為上一實汎齊次之山罍二一實元酒為上

一實清酒次之玉以四珪有邸幣以蒼告方丘太樽二一實明水一實醴爵玉兩珪有邸幣以黃

未明

一刻奉禮帥贊者先入就位贊引御史太祝以下入

行埽除如常儀質明謁者引告官以下俱就門外位奉

禮帥贊者先入就位贊引御史以下入就位謁者引

告官贊引執事者次入就位立定奉禮曰再拜謁贊

者承傳

凡奉禮者皆承傳謁

告官

以下皆再拜謁者進告官之

左曰有司謹具請行事儀至禮畢燔祝版於齋所並同

巡狩告圜丘攝事儀

告方丘其儀同但改皇天為皇地祇其玉帛埋之

告宗廟

其禮與巡狩告宗廟儀有司攝事同惟祝文臨時撰

臨軒行事

先一日尚舍奉御設御冠席於太極殿中楹間南向莞

筵紛純加藻席繢純加次席黼純守宮設羣官次於朝

堂太樂令展宮懸於殿庭並如常儀設協律郎舉麾位
於殿上西階之西東向一位於樂懸東南西向鼓吹令
分置十二案於建鼓之外乘黃令陳車輅尚輦奉御陳
輿輦並如常儀典儀設文官一品以下五品以上位於
懸東六品以下於橫街南皆重行西面北上設武官一
品以下五品以上位於懸西六品以下於橫街南當文
官皆重行東面北上設朝集使位分方於文武官當品
之下設諸親位於四品五品之中皇帝親在東設蕃客異姓親在西

位各分方於朝集使六品之南諸州使人分方位於朝集使九品之後又設太師太尉位於橫街之南道東北面西上又設典儀位於懸之東北贊者二人在南少退俱西向奉禮設門外位於東西朝堂皆如元日之儀其日諸衛勒所部屯門列黃麾仗如常羣官依時刻集朝堂俱就次各服其服通事舍人引就朝堂前位侍中版奏請中嚴太樂令鼓吹令帥工人入就位奉禮郎設罍洗於阼階東南罍在洗東加勺幕篚在洗西南肆實巾洗於阼階東南罍在洗東加勺幕篚在洗西南肆實巾

加冕尚舍奉御設席於東房內近西又張帷於東序外

殿中監陳袞服於東房內席上東領玄衣纁裳十二章

八章在衣曰月星辰山龍華蟲火宗彝四章在裳藻粉米黼黻

白沙中單黼領青襟襍

裾革帶玉鈎觴大帶

青帶朱裏紝其外上以朱下以綠鈎用組之

朱黻三章

龍山鹿盧玉具劍火珠鏢首白玉雙珮玄組雙大綬六

綵玄黃赤白縹緑純玄質長二丈四尺五百首廣一尺

小雙綬長二尺六寸色同大綬而首半之間施二玉環

朱鞬赤鸞金飾續纏玉簪

及櫛三物同箱在服北向尚舍奉御設莞筵一粉純加

藻席繢純加次席黼純又在南尚舍奉御實醴罇於東序外帷內坫在罇北實角觝柂各一加幕饌陳於罇西籩豆各十二俎三在籩豆北設罍洗於罇東罍在洗西加勺幕篚在洗東北肆實巾加幕執罍罇籩豆及在廷罍篚者並絳公服立於其所袞冕垂白珠十二旒以組為纓色同其纓黼繢充耳玉導於箱太常博士一人立於西階下近西東面諸侍衛之官各服其器服俱詣閣奉迎典儀帥贊者先入就位通事舍人各引羣官入就

位太常博士引太常卿升西階立於西房外當戶北向
侍中版奏外辦皇帝著空頂黑介幘雙童髻雙玉導絳
紗袍以出侍衛警蹕如常儀皇帝將出太樂令令撞黃
鐘之鐘右五鐘皆應協律郎舉麾鼓吹奏太和之樂皇
帝出自西房太常博士引太常卿太常卿引皇帝即御
座南向立樂止太常卿與博士退立於皇帝之左通事舍人引太師太
尉就位凡太師太尉進皆舍人導引太師初入門舒和之樂作至位
樂止典儀曰再拜贊者承傳羣臣在位者皆再拜太師

升自西階太師初行樂作至階樂止太師升立於西階上東面太尉詣阼階下冕洗盥手升東階詣東房內取纏櫛箱進跪奠於御座西端太師詣御座前跪奏稱請坐退復位皇帝坐太尉進當御座前少左跪脫空頂幘置於櫛箱櫛畢設纏輿少西東面立太師降盥初降樂作盥訖詣西階下樂止太常受冕左執項右執前升西階進當皇帝前左樂作太師祝曰令月吉日始加元服壽考維祺以介景福乃跪冠輿復西階上位太尉進皇

帝前少左跪設簪纓興復位皇帝興太常卿引適東房
殿中監進徹櫛纏箱以退皇帝著衮服太常卿引即席
南向坐樂止太尉詣序外惟內盥手洗觶酌醴加柵覆
之而葉立於序內南向太師進受醴面柄進御前北面
祝曰甘醴唯厚嘉薦令芳承天之休壽考不忘訖跪進
觶興退降立於西階下東面將祝殿中監進進饌者奉
饌設於御座前皇帝左執觶右執脯擣於醯祭於籩豆
間太師取肺一以進皇帝皇帝奠觶於薦西受肺却左

手執本右手絕末以祭上右手躋之授太尉加於俎降立於太師之南皇帝帨手侍中一人進帨巾取解以柵祭醴啐

醴建柵奠觶於薦東皇帝初受觶休和之樂作奠觶訖樂止太師太尉俱復橫街南位太師初行樂作至位樂止典儀唱再拜贊者承傳在位者皆再拜太師太尉出初行樂作出門樂止侍中前跪奏禮畢皇帝興太樂令令撞鞶賓之鐘左五鐘皆應太和之樂作太常卿引入東房侍衛警蹕如來儀入訖樂止通事舍人引東西面

位者以次出

見太后

其日冠訖著通天冠服詣太后所御殿如常朝見之式
尚宮引就殿前北面再拜訖尚宮引出還宮如常

謁太廟

將謁有司卜日如別儀前一日皇帝清齋於太極殿太
尉以下清齋於廟所近侍之官應從入廟者各於本司
清齋一宿諸衛令其屬晡後一刻各以其方器服守衛

廟門與太樂工人俱清齋一宿前三日尚舍直長施大次於太廟南門之外道西東向尚舍奉御鋪御座守宮設文武侍臣次於大次之後文左武右俱東向設太尉以下次於齋坊內設三師次於侍臣次之西東向前二日太樂令設宮懸之樂於廟庭如常儀右校清掃内外前一日奉禮設御座於樂懸之南道西北向設太尉以下及御史等位於內外如常儀設酒樽之位於廟堂上前楹間各於室戶之左北向每室雞彝一鳥彝一犧樽

二山罍二皆加勺羃皆西上各有坫

以置瓚爵設罍洗篚如

常

禮實圭巾爵

其執樽罍篚羃及烹牲皿並如巡狩告謁儀

日未明三刻太尉以下各服其服太廟令良醞令各帥

其屬入實樽罍

雖罍

振

樽

皆實

以明

水

山

罍之上

皆實

以玄

酒

鳥翼

實以

鸞鬯

饌尊實以

禮齊山罍實以清酒

太官令帥進饌者實籩豆行埽除及奏出獻

祖以下祖主各置於座如常儀訖各就位如巡狩告儀

質明謁者引太尉以下俱就門外位太樂令帥工人次

入就位

其升堂坐者皆脫履於階下降納如常

謁者引太尉贊引引執事

者次入就位立定奉禮曰再拜太尉以下皆再拜

其先拜者

不拜謁者進太尉之左白有司請行事其行事儀至讀祝

文如時享攝事儀

惟無燔燎
及奠毛血

讀祝文曰維某年歲次

月朔日孝曾孫皇帝某

大祖以下
稱臣某

謹遣太尉

臣

名敢昭

告於獻祖宣帝祖妣某氏敬尊常典禮加元服以今吉

辰祇見謹以一元大武明粢鄉合鄉其嘉疏嘉薦醴齊

尚饗訖興太尉再拜初讀祝文訖樂作太祝進跪奠版

於神座俛伏興還蹲所太尉拜訖樂止謁者引太尉以

次獻皆如獻祖之儀

惟盥洗不

偏獻訖其飲福受胙如常儀

訖謁者引太尉降復位贊引引御史太祝及執籩罍

幕者俱就執事位重行西面立以候皇帝既謁廟出門

太祝等升復位登歌作雍和之樂諸祝各進入室徹豆

出還籩所登歌止奉禮曰賜胙其贊拜及納神主燔祝

版並如時享攝事儀

親謁

前出三日本司宣攝內外各供其職前一日守宮設羣

三嚴時即一
刻侍中奏裁發引前

官五品以上次東西朝堂如常謁晝漏上水三刻鑾駕出宮發引前七刻槌一鼓為一嚴五刻槌二鼓為再嚴其鑾駕發引之儀與時享出宮儀同惟乘小駕鹵簿乘金輶為異駕迺通事舍人引文武羣官不從者退就次以侯駕至大次迺輶東向將軍降立於路侍中進當鑾駕前跪奏稱侍中臣某言請降輶俛伏興還侍位皇帝降輶乘輿之大次繖扇華蓋侍衛如常儀通事舍人引三師各就便位各服其服出立於

大次門外太常博士引太常卿立於大次門外當門西
向侍中版奏外辦皇帝出次華蓋侍衛如常

侍中負寶
陪從如式

博士引太常卿太常卿引皇帝

凡太常卿前導
皆博士先引

至廟門

外殿中監進鎮珪皇帝執鎮珪華蓋仗衛停於門外三
師近侍者從入如常皇帝初入門太和之樂作至版位
北向立樂止太常卿與博士退立於左太常卿前奏稱
請再拜皇帝再拜少頃太常卿又奏稱請再拜皇帝又
再拜訖太常博士引太常卿太常卿引皇帝出還大次

初行樂作出門樂止殿中監受鎮珪華蓋侍衛如常儀
皇帝既還大次請解嚴轉仗衛至既入閣侍中版奏請
解嚴叩鈺將士各還本所如時享還宮儀

會羣臣

皇帝見廟之明日會羣臣如元會之儀其上壽詞云具
官臣某言伏惟皇帝陛下吉辰元服禮備樂和臣等不
勝大慶謹上千萬歲壽

羣臣上禮

前一日守宮量設次於東朝堂如常儀其日應上禮之
官依時刻各集於次皆服朝服奉禮先設上禮之官位
於東朝堂之前近南文東武西重行北面相對為首又
設中書舍人位於吏部為首者之北南向設奉禮位於
文官東北贊者二人在南差退俱西向通事舍人各引
應上禮之官就位立定令史二人對舉表案禮部郎中
引就中書舍人前取表授舍人訖引案退奉禮唱再拜
贊者承傳在位者皆再拜中書舍人奉表入進通事舍

人引在位者退

蕙田案開元禮皇帝冠止一加冕而已

唐書車服志天子未加元服以空頂黑介幘雙童轡雙玉導加寶飾三品以上亦加寶飾五品以上雙玉導金飾六品以下無飾緇布冠始冠之服也天子五梁三品以上三梁五品以上二梁九品以上一梁

五禮精義古者冠布齋則緇之明冠制不殊但緇白有異今喪冠則古緇布無梁幘也鄭注冠禮云緇布

冠今小吏冠其遺象也漢小吏之冠即委貌矣晉志
緇布即委貌是也又云進賢冠緇布遺象然進賢加
梁幘與古不同若從今制當類進賢而無幘梁者也
又云古者天子之士服皆皮弁素幘而夕則玄冠玄
端玄冠委貌也緇布象之故服則玄端即素裳也

開元禮義鑑將冠者何服禮云童子之冠也緇布衣
錦緣錦紳并紐錦束髮皆朱錦也士冠禮曰將冠者
綵衣絰在房中南面鄭氏云綵衣是未冠者之服禮

說童子幘無屋故云空頂也士冠禮云將冠者綵衣
紲鄭云綵衣未冠者所服又云冠禮繒纏廣終幅長
六尺鄭云纏今之幘梁也終充也纏一幅長六尺足
以縕髮而結之蓋古者以黑繒為纏先縕髮而後加
冠情卷梁故鄭引漢事言之

開元禮皇太子加元服告太廟

皇太子將冠先告太廟如常吉之儀

臨軒會賓贊

所司先奏請司徒一人為賓卿一人為贊冠吏部承以
戒之前一日尚舍奉御整飾御幄於太極殿衛尉設羣
臣朝集使諸蕃客次於左右朝堂太樂令展宮懸之樂
於殿庭設舉麾位於殿上一位於懸下鼓吹令設十二
案乘黃令陳車輅尚輦奉御陳輿輦典儀設文官一品
以下五品以上位於橫街之北西面北上諸州使人五
品以上合班六品以下位於橫街南諸州使人六品以
下諸蕃客又在南皆西面北上設武官五品以上位於

橫街北東面北上諸州使人五品以上合班諸親位於其南六品以下位於橫街南諸州使人六品以下及蕃客等又於其南皆東面北上設典儀位於懸之東北贊者二人在南少退俱西向設賓受命位於橫街南道東北面贊者位又於其後少東北面奉禮郎設門外文官一品以下位於順天門外道東每等異位重行西面武官三品以下位於門西每等異位重行東面並以北為上其日諸衛勒所部列黃麾仗如常儀羣臣各依時刻

集朝堂俱就次各服其服侍中量時版奏請中嚴協律
郎太樂令帥工人就位諸侍衛之官各服其器服奉迎
典儀帥贊者先入就位通事舍人引先置羣官入立定
又引賓贊入立於太極門外道東西向黃門侍郎引主
持節中書侍郎引制書案立於樂懸東南面西北上侍
中版奏外辦皇帝服通天冠絳紗袍以出曲直華蓋警
蹕侍衛如常儀皇帝將出仗動太樂令令撞黃鍾之鐘
右五鐘皆應協律郎舉麾鼓柷奏太和之樂皇帝升輿

出自西房即御座南向坐符寶郎奉寶置於御座樂止
通事舍人引賓贊入就位賓贊初行入門舒和之樂作
至位樂止立定典儀曰再拜侍中及舍人前承制侍中
降至賓前稱有制公再拜將加冠於某之首公其將事
公少進北面再拜稽首辭曰臣不敏恐不能供事敢辭
侍中拜奏又承制降稱制旨某公將事無辭公再拜退
復位侍中退舍人至卿前稱勅旨卿再拜將加冠於某
之首卿宜贊冠卿再拜舍人退黃門侍郎引主節至賓

所主節授黃門侍郎黃門侍郎執節立於賓東北面賓再拜受節付主節訖又再拜主節立於賓後黃門侍郎退中書舍人引制書案至賓所取制書在賓東北面西立賓再拜受制書執立又再拜持案者立於賓後中書侍郎退典儀曰再拜贊者承傳羣官在位者皆再拜舍人引賓贊出賓贊初行樂作出門樂止侍中前跪奏稱侍中臣某言禮畢俛伏興還侍位皇帝興太樂令令撞鞞賓之鐘左五鐘皆應鼓柷奏太和之樂皇帝降座侍

衛警蹕如來儀入自東房樂止舍人引一品以下以次出初賓贊出門賓以制書置於案升車從輶而行威儀鼓吹詣東宮降輶入次賓贊具服其服一品以下以次出蕃客各還館九品以上詣東宮朝堂次服其服就位如冠儀

冠

前一日衛尉設賓次於重明門外道西南向贊冠次又於其西南向並鋪床席又於重明門內道西施一次擬

會賓贊設文武羣官九品以上及羣親并宮臣次如常
儀奉禮設文武羣官九品以上諸親在五品之下及宮
臣外位如常儀設殿庭位文武羣官共典儀共宮臣合
班諸親在五品下文官在東西面武官在西東面皆以
北為上又設皇太子位於閣外道東西向設三師位於
閣外道西三少位於三師之南少退東向典儀又設皇
太子受制位於樂懸北北面所司設軒懸之樂於殿庭
又設舉麾位於庭上一位於懸下有司設皇太子羽儀

車輿於殿庭如常儀典設郎帥其屬鋪解劍席於懸之
東北冠日平明宮臣皆朝服非宮臣者公服三師三少
公服並集於重明門外次宗正卿乘犧車侍從詣左春
坊權停左右二率各勒所部屯門列仗左庶子版奏請
中嚴工人及諸行事之官各入就位奉禮郎設罍洗於
東階東南罍在洗東籩在洗西南肆筵實爵加勺幕典設郎鋪

皇太子冠席於殿上東向壁下近南西向設賓席於西
階上東向設主人席於皇太子席西南西向設三師席

於冠席北三少席於冠席南典設郎張帷幄於東序內
設褥席於帷中又張帷幄於序外擬置饌物等內直郎
陳服於帷內東領北上袞冕服玄衣纁裳九章白紗中
單黼領襟襍裾革金鈎帶大帶朱黻二章玉具劍火珠
鏢首瑜玉雙珮珠組雙大綬四綵赤白縹紺純朱質長
一丈八尺三百二十首廣九寸小綬長二尺六寸色同
大綬而首半之間施二

環玉

白鞶赤舄金飾象笏遠遊冠服絳紗袍白紗中單皂
領襍褶裾白方心曲領假帶絳紗蔽膝白練裙襦白鞶

黑鵠其革帶劍珮綬笏與冕服同緇布冠玄衣素韁白紗中單青領襟襍裾履鞶革帶大帶笏緇纏

用卓羅中
方六寸屬

帶於前兩隅犀簪二物同箱在服南櫛實於箱又在南莞筵

四紛純繅席四續純又在南良醞令實側蹲瓶醴加勺

幕於序外惟內設罍在洗北篚在洗南東肆實巾一角

觶角柵各一加幕太官令實饌豆九籩九於樽西俎在

豆北執在庭罍洗者絳公服立於罍洗之南北向執帷

內樽罍洗籩豆俎等並絳公服立於樽罍豆俎之所冕

白珠九旒犀導組纓青纊充耳遠遊三梁冠金附蟬九

首施珠翠黑介幘犀導肆髮纓綾緇布冠青組纓屬於

冠冠冕各一箱盛奉禮郎二人各執立於階之西東面

北上主人各贊冠者

庶子為之

升諸東序帷內少北戶東西

面立典謁引羣官以次入就常位初賓贊入次左庶子

版奏外辦通事舍人引三師等入就闈外道西位東面

立皇太子著空頂黑介幘雙童髻玉導寶飾綵衣

紫緋綉袴

錦紳烏皮履乘輿以出洗馬迎於闈門外左庶子跪奏

稱左庶子臣某言請殿下降輿俛伏輿還侍位皇太子
降輿洗馬引之道東位西向立左庶子又前跪奏稱左
庶子臣某言請殿下再拜皇太子再拜三師三少答再
拜洗馬引就階東南位三師訓導在前三少訓從於後
千牛仗二人夾左右其餘仗衛列於師保之外通事舍
人引宗正卿入見皇太子訖通事舍人引出迎賓洗馬
引皇太子初行樂作至階東西面立偃麾樂止宗正卿
迎賓於門東西面賓立於門西東面宗正卿再拜賓

不答拜賓入門樂作主人從入立於樂懸東北西面賓
入贊冠者從入舍人引賓贊詣殿階間南面立樂止贊
冠者立於賓西南東面節在賓東少南西面制案在贊
冠西南東面賓就案取制執洗馬引皇太子詣受制位
北面立皇太子初行樂作至位樂止主節脫節衣賓稱
有制皇太子再拜宣詔曰制皇太子某吉日元服率由
舊章命太尉就宮展禮訖皇太子又再拜少傅進詣賓
前受制書退授皇太子皇太子受制書付庶子案退洗

量人

從升初行樂作至階

馬引皇太子師保等如式升東階
樂止入東序惟內近北西向立師保等就席位訖賓升
西階宗正卿升東階各立席後初賓升舍人引贊冠者
詣罍洗盥手升自東階詣序惟內於主人贊冠之南俱
西面贊引皇太子出立於席東西面賓之贊冠者取纓
櫛二箱坐奠於皇太子南端興席北少東西向立賓揖
皇太子進升筵西向坐賓之贊冠者進筵前東面坐脫
空黑介幘置於箱櫛畢設纓興少北南面立賓降盥主

人從降樂作賓升樂止主人從升執繙布冠者升賓降
一等受之右執項左執前進皇太子筵前東向立祝曰
令月吉日始加元服棄厥幼志順其成德壽考維祺以
介景福乃跪冠興復位東面立賓之贊冠進筵前東面
跪結纓興復位皇太子興賓揖皇太子贊冠者引皇太
子適東序惟內著元衣素裳之服以出立於席東西面
賓揖皇太子進升筵西向坐賓之贊冠者進筵前東面
跪脫繙布冠置於黑介幘之箱櫛纏依舊不解興復位

賓降二等受遠遊冠右執項左執前進皇太子筵前東向祝曰吉月令辰乃申嘉服克敬威儀式昭厥德眉壽萬年永受祺福乃跪冠興復位賓之贊冠者引皇太子適東序帷內著朝服以出立於席東西面賓揖皇太子進升筵西向坐賓之贊冠者進筵前東面跪脫遠遊冠置於纏箱櫛纏依舊不解興復位賓降三等受冕右執項左執前進皇太子筵前東向祝曰以歲之正以月之令咸加其服以成厥德萬壽無疆承天之慶乃跪冠興

賓復位賓之贊冠者跪受簪結纓興復位皇太子興賓
揖皇太子贊冠者引皇太子適東序著袞冕之服以出
立於席東西面贊冠者徹纓櫛二箱入於惟內主人贊
冠者又設醴皇太子席於室戶西南向下莞上藻賓之
贊冠者於東序帷內盥手洗禪典膳郎酌醴加柵覆之
面柄賓之贊冠者受面葉立於序內南面立賓揖皇太
子贊冠者引皇太子就筵西南面立賓進受醴加柵面
柄進皇太子筵前北面立祝曰甘醴惟厚嘉薦令芳拜

受祭之以定厥祥承天之休壽考不忘皇太子筵西拜
受禪賓復位東面答拜贊冠者興進饌陳於皇太子筵
前皇太子升筵坐左執禪右執脯擩於醯祭於籩豆之
間贊冠者取簠菹脯擩於豆以授皇太子又祭於籩豆
之間贊冠者取肺一以授皇太子皇太子奠禪於薦西
興受肺鄭左手執本坐繚右手執末以祭上左手躋之
興以授贊冠者加於俎皇太子帨手興取禪以柅祭禮
三始扢一祭又扢再祭加柅於禪面葉興筵末坐啐醴

建柂興降筵西南南面坐奠禪再拜執禪興賓答拜皇
太子升筵坐奠禪於薦東興降筵贊冠者引皇太子降
自西階立於西階之東南面賓初答拜訖降立於西階
之西近南東面引賓之贊冠者隨降立於賓西南東面
皇太子立定賓少進字之曰禮儀既備令月吉日昭告
厥字君子攸宜宜之於嘏永受保之奉勅字某皇太子
再拜曰某雖不敏敢不祇奉又再拜洗馬引皇太子降
初行樂作至阼階下位樂止三師在南北面三少在北

南面立定皇太子西面再拜三師等答再拜以出於三
師拜訖典儀曰再拜贊者承傳羣官在位者皆再拜左
庶子前稱禮畢皇太子乘輿以入侍臣從至閣如常儀
初皇太子降通事舍人引賓贊及宗正出就會所

會賓贊

賓既出於會所門外之西東面北上宗正卿立於門東
西面立定一揖一讓而入宗正卿立於座東西面賓贊
立於座西東面俱再拜就座俛伏坐遂行酒酒至賓主

俱興再拜就席坐飲食至賓主俱興設食訖賓主俱坐
食會訖贊立於西廂東面南上宗正卿立於東廂西面
執事奉東帛之篚以授宗正卿又執事者奉帛篚立於
宗正卿之後後牽乘馬入陳於庭北首西上賓贊俱迴
北面西上再拜宗正卿以幣篚進西南向授賓執事者
以幣進授贊冠者宗正卿與執事者退復位賓贊降從
者互受幣賓當庭實揖左右馬以出三馬從出從者互
受馬宗正卿出門東西面賓出門西東面北上宗正卿

與賓俱揖而退賓贊就車輶詣順天門外復命

朝謁

朝前衛尉先於順天門外東朝堂之北設太子次又於後設三師三少及詹事等次皇太子冠訖諸衛尉率依常鹵簿陳列威儀仗衛前後部鼓吹備列師傅以下及宮臣皆服其服皇太子服遠遊冠絳紗袍乘輶以出儀衛侍從如常禮洗馬前導皇太子出重明門左庶子跪奏請降輿升輶又左庶子稱令曰諾左庶子俛伏興皇

太子降輿升金輶三師乘輶車訓導在前三少亦乘輶
車訓從在後威儀仗衛依鹵簿發引鳴鏞而行至長樂
門鏞吹止至順天門次迴輶西向左庶子跪奏請降輶
就次又左庶子稱令曰諾左庶子俛伏興皇太子降輶
洗馬前導入次左庶子侍右舍人引三師三少詹事就
次皇太子停於次少頃舍人奏聞典儀先於皇帝所御
殿前設皇太子位左庶子跪奏請入又左庶子稱令曰
諾左庶子俛伏興皇太子出次左庶子等夾持舍人引

洗馬導引當門揖引入外宮諸儀衛鹵簿等悉陳列於門外皇太子自東上閣洗馬左庶子等從入至皇帝所御殿前位北向立從官陪後左庶子贊拜皇太子再拜侍中宣勅戒曰事親以孝接下以仁使人以義養人以惠訖皇太子再拜少進稱臣雖不敏敢不祗承又再拜訖引下詣皇后所御殿至殿院內給事奏聞出則皇太子入洗馬左庶子等不入太子至皇后所御殿前北向立再拜尚儀前承令降詣皇太子西北東面稱令旨皇

太子再拜宣令戒之詞如皇帝皇太子再拜少進稱臣
夙夜祗奉不敢失墜又再拜司言引至閣舍人承引以
出皇太子還如來儀

皇太子謁太廟

前一日皇太子宿齋於正殿其宮臣從入廟者宿齋於
家正寢所司拂除廟之內外衛尉設皇太子次於正寢
西南角東向又設三師以下及宮官次於皇太子之後
少近西俱東向又設宮官次於東宮官堂奉禮郎設皇

太子版位於朝廷道東北向典儀設宮官位於重明門外文官在東西面武官在西東面每等異位重行俱以北為上其日未明所司依鹵簿陳設於重明門外宮臣應從者依時刻集朝堂次皆服朝服非朝服者服常服諸率各勒所部陳設如式左庶子版奏請中嚴僕策輅於西閣外南向左右執刀立於輅前北向舍人引宮官各就位侍衛之官各服其器服其庶子負寶如式俱詣閣奉迎左庶子版奏外辦僕奮衣而升正立執轡皇太

子服遠遊冠絳紗袍以出左右侍衛如常洗馬引皇太子升僕立授綏命車右升訖車驅左庶子以下夾侍如意出重明門左庶子進當輶前跪奏稱左庶子臣某言請車輶權停請侍臣上馬俛伏興退稱侍臣上馬贊者唱侍臣上馬文武侍臣皆上馬宮官上馬畢左庶子進當輶前跪奏稱左庶子臣某言請發引俛伏興退侍位皇太子車輶動銃吹不作文官在左武官在右至下馬所侍臣並下車馬皇太子至次所迴輶南向庶子跪奏

稱左庶子臣某言請殿下降輅俛伏興還侍位皇太子
降輅洗馬引入次侍臣立如常皇太子入次一刻頃左
庶子跪奏稱左庶子臣某言請殿下出次俛伏興皇太
子出次謁者引家令家令引皇太子入自南門三師三
少導從如式庶子二人一人贊左一人贊右舍人二人
從近仗量人從入皇太子至位立定家令奏請殿下再
拜皇太子再拜少頃家令奏禮畢謁者引家令家令引
皇太子出自南門升輅還宮如來儀至重明門外皇太

子乘輶入將士停三師三少還皇太子至殿前迴輶左
庶子跪奏請殿下降輶俛伏興皇太子降入侍臣從至
閣左庶子跪奏請將士各還本位

其還宮
銚吹如常

會羣臣

皇太子冠見廟之明日皇帝會羣臣如元會之儀其上
壽詞云皇太子爰以吉辰載加元服德成禮備普天同
慶臣等不勝悅慶謹上千萬歲壽

羣臣上禮

先上禮三日本司宣令諸應上禮文武之官一品以下五品以上前一日衛尉量設次於東朝堂漏上水七刻各集於次皆朝服奉禮郎先設上禮之官位於東朝堂南文東武西北面重行相對為首又設中書舍人位於文官為首者之北南向設奉禮郎位於文官東北贊者二人在東南差退俱西向牛酒在文武二位之間少前舍人各引應上禮之官就位定令史二人對舉賀錄案禮部郎中引就中書舍人前取賀錄授舍人訖引案退

奉禮郎唱再拜贊者承傳在位者皆再拜中書舍人奉
賀錄入進舍人引在位者退酒十二斛犧十二頭赤繩
為籠頭奏訖並付所司

皇太子會宮臣

皇太子會宮臣如常會之儀上壽與上同詞

宮臣上禮

先上禮一日詹事宣告上禮之官詹事以下七品以上
畫漏上水七刻皆朝服集東宮南門之左典儀先設羣

官位於中門外北面以西為上牛酒置其位西五步少
近晝漏上水八刻通事舍人引羣官皆就位定詹事丞
奉羣官簡錄案於詹事前東面跪授導客舍人導客舍
人西面立受迴南向立典儀唱再拜詹事以下俛伏興
皆再拜導客舍人以簡錄案入通事舍人引羣官詹事
以下退酒九斛盛以銅鍾一斛犧九頭赤繩為籠頭皆
付所司

蕙田案開元禮義鑑云家語云皇太子之冠

擬諸侯四加三同士禮後加袞冕也漢儀王
公初加進賢冠魏王子及王公子並三加先
皮弁次長冠次進賢冠晉惠帝為太子冠一
加幘冕北齊皇太子初進賢冠三梁冠再遠
遊冠隋皇太子初加緇布冠再加遠遊冠開
元之制三加初加緇布冠再加遠遊冠三加
袞冕五禮精義云皇帝加元服告天地太子
冠獨告太廟者天子為天下之主將有大事

必先告天地皇太子雖儲貳之尊然未接天
地故獨告宗廟示親也

開元禮親王冠

百官一品以下盡九品庶人並附其嫡子但以品第庶子與親王同其降殺則異

前三日本司帥其屬筮日筮賓於廳事

五品以上嫡子筮於廟門外無

廟筮於正寢之堂主人公服立於楹間之東西而於寢則堂上楹間近東掌事者各服其服立於門西東西而於寢則楹間近西東而布筮席於主人之西西面餘並如別儀前三日筮賓如求日之儀主人謂將冠者之父也

賓謂可使
冠子者

前二日主人至賓第掌次者引之次主人公

服出立於大門外之西東面賓公服立於阼階下西面
儕者公服進於賓之左北面受命出立於門東西面曰

敢請事主人曰皇子某王一品以下曰某之子其下微此將加冠請某

公教之

相稱各隨官爵

儕者入告賓出立於門左西面再拜主

人答拜主人曰皇子某王將加冠願某公教之

一品以下云吾

子下做此賓曰某不敏恐不能供事

一品以下加以辱吾子

敢辭主人

曰某猶願某公教之賓曰王重有命某敢不從主人再

拜賓答拜主人還賓拜送主人命使者戒贊冠者如戒

賓一品以下主人戒冠者

如戒賓亦通使子弟戒之前

一日掌次者設次於大

門外之右南向其日夙興掌事者

一品以下贊者庶子同

設洗於

阼階東南東向當東雷

六品以下當東榮

南北以堂潔罍水在

洗東加勺幕籩在洗西南肆

籩實巾一加幕

席於東房內西

墉下無房者張帷

陳衣於席東領北上袞冕服青衣纁裳九

章五章在衣山龍華蟲火宗彝同上二品鷩冕服七章三章在衣華蟲藻

一品冕服四章在裳宗彝粉米黼黻三品毳冕服五章三章在衣宗彝藻粉二章在裳黼黻四品繡冕服三章一章在

火四章在裳宗彝粉米黼黻三品毳冕服五章三章在衣宗彝藻粉二章在裳黼黻五品玄冕衣無章

裳刺黼一章六品以下爵弁服青衣纁裳白紗中單黼

領青襍禊裾草帶鈎鞬大帶

青帶紝其外上朱下綠紝約用組一品二品大帶皆

紝其外上以朱下以綠三品大帶四品五品素帶皆紝其垂外以玄內以黃紝約皆用青組六品以下練帶紝

其内外以編約用青組中單青領

朱黼二章山火

三品以上飾以裳色山火二章四品繡冕

山一章五品玄冕無章六品爵韞

劍飾以珠玉

三品以上飾以金玉四品五品飾以金玉

山

玄玉雙珮纁朱雙綬四綵赤黃縹紺純朱質纏文織長

丈八尺二百四十首廣九寸

小雙綬長二尺六寸色同大綬而首半之間施二玉

環一品雙佩山玄玉五品以上水蒼玉雙綬一品緣綬綬四綵紫黃赤緣質長丈八尺二百四十首廣九寸二

品三品紫綬三綵紫黃赤純紫質長丈六尺一百八十首廣八寸皆有小雙綬長二尺六寸色同大綬而首半

之一品施二玉環四品青綬三綵青白紅純青質長丈
四尺一百三十首廣七寸五品黑綬二綵青紺純紺質
長丈二尺一百首廣六寸皆有小雙綬長三尺

六寸色同大綬而首半之六品以下無劍珮綬

朱鞶赤

駕絳公服方心革帶紉繅假帶鞶履庶子以上皆同遠

遊冠絳紗單衣白紗中單皂領襍褶裙白韁黑駕

一品以下革

下進假帶曲領方心絳紗蔽膝白韁黑駕

一品以下革帶鉤繒珮雙

綬六品以下無劍綬八品以下去中單曲領蔽膝黑履庶人黑介幘服白韁青領革帶鞶履緇布冠

服青衣素裳白紗中單青領襍褶素韁其革帶大帶劍

珮綬與冕服同

鞬駕與遠遊冠服同三品以上中單革大帶劍珮綬與冕服同

爵弁同
人帶鞭屨與進賢服同
人帶鞭屨與介幘服同去鞭

繒纏寸其纏用皂巾方六尺
屬於前西隅

犀

簪櫛實於箱在服南莞筵三紛純加藻席三繒純在南

三品以上莞筵四加藻席四品五品蒲筵四繒布純
加葷席四玄帛純六品以下蒲筵四不加葷席其庶子

各如其品嫡子
之席各用三

樽於房戶外之西兩瓶玄酒在西加勺

幕設坫於樽東置二爵加幕豆十籩十在服北俎三在

籩豆北
凡牲醴節折如離肺俎三實羊豕及腊籩實脯
棗之類豆實菹醢之屬一品以下側樽瓶醴在

服北加勺幕設在樽北實角觶柵各一加幕饌陳於坫
北四品以下無坫同設篚庶子尊於房戶外之西兩瓶
元酒在西加勺幕設坫於樽東置二爵於坫加幕饌陳
於服北一品俎三籩十豆十三品八四品五品六六品

以下用特牲俎一籩二豆三庶子同嫡子牲器

設洗於東房近北罍水在洗西

篚在洗東北肆實以巾質明賓贊至於主人大門外掌

次者引之次賓贊俱公服諸行事者各服其服

六品以下無公

常服者服執樽罍篚者皆就位冕青珠九旒青纓充耳犀

簪導組纓色如其綬

三品以上袞冕垂青珠九旒以組為纓色如其綬青纓充耳角簪導

鶩冕七旒毳冕五旒餘皆同袞冕四品五品繡冕垂青珠四旒以組為纓色如其綬青纓充耳角簪導玄冕三

旒餘同繡冕六品以下爵弁玄纓尊庶人則黑介幘庶子同嫡子遠遊冠三梁金附蟬

黑介幘纓青綾犀導

三品以上進賢冠三梁纓青綾犀導四品五品以上二梁六品以下

一梁庶人綯布冠青組纓冠冕各一箱各一人執之侍
則黑介幘

纮

布

冠

青

組

纓

冠

冕

各

一

箱

各

一

人

執

之

侍

於西階之東西面北上設主人之席於阼階上西面設

賓席於西階上東面皇子席於房戶之西南面

房外
蹲東

俱

下莞上藻

一品以下冠者席於主人
東北面庶子如親王儀

主人公服立於阼

階東當序西面親公服非公服者常服立於罍洗東南

西面北上

一品以下偕諸尊者停別室
者公服立於門內道東北面

皇子雙童髻

空頂幘玉導金寶飾綵袴錦紳烏皮履

四品五品導
飾以金六品

以下無金飾
立於房內南面主人贊冠者公服立於房內戶

東西面賓及贊冠者出次立於門西贊冠者少退俱東面北上賓者進於主人之左北面受命出立於門東西面曰敢請事賓曰皇子某王將冠某謹應命一品以下云某子有

嘉禮命執事庶子同

賓曰入告主人迎賓於大門外之東西面再

拜賓答拜

凡賓主拜揖出入階贊者相導

主人揖贊冠者贊冠者報揖

主人又揖賓賓報揖主人入賓及贊冠者次入及內門

主人揖賓賓報揖主人與賓入贊冠者從至內雷將曲揖賓報揖主人及階主人立於階東西面賓立於階西

東面主人曰請公升

一品以下請子升他倣此

吾

賓曰其備將事敢

辭主人曰固請公升

一品以下請子升他倣此

吾

賓曰其備將事敢

辭主人曰固請公升

一品以下請子升他倣此

吾

賓曰敢終辭主人升自阼階立於席東西面賓升自西

階立於席西東面贊冠者及庭盥洗升自阼階入東房

立於主人贊冠者之南俱西面主人贊冠者引皇子出

立於戶外之西南面賓之贊冠者取纏櫛簪箱跪奠於

皇子筵東端

一品以下筵

南

庶子筵東

北

興席東少北南面立

一品以

下

席北

少東西而立

賓揖皇子賓主俱即席坐皇子進升席南

庶子南而立

面坐

一品以下西面
坐庶子南面

賓之贊冠者進筵前北面

一品以下東面

庶子跪脫雙童髻置於櫛箱畢設纓輿復位賓主俱興

北面

賓降盥主人從降賓東面辭曰願主不降

一品以下云
吾子下做此

主人曰公降辱敢不從賓降至罍洗盥手訖詣西階賓
主一揖一讓升主人立於席後西面賓立於西階上東

面執繙布冠者升賓降一等受之右執項左執前詣皇

子筵前北面跪冠興復西階上席後東面立

祝文曰令
月吉日始

加元服棄爾幼志順爾成德壽
考維祺介爾景福乃跪奠冠興

賓之贊冠者進筵前北

面跪設頰結纓興復位

一品以下東向跪結纓
庶子同親王而無頰

皇子興

賓揖皇子適房賓主俱坐皇子著青衣紫裳之服出戶

西南面立賓主俱興賓揖皇子進立於席後南面

一品以下

進升席西向坐一品
以下庶子同親王賓降盥主人從降辭對如初賓盥

手跪取爵於篚興洗訖詣西階賓主一揖一讓升主人

立於席後西面賓詣酒樽所酌酒進皇子筵前北向立

祝曰旨酒既清嘉薦奠時始加元服兄弟具來孝友時

格永乃保之皇子筵西拜受爵賓復西階上東面答拜

執饌者薦籩豆於皇子筵前皇子升筵坐左執爵右取

脯擗於醢祭於籩豆之間祭酒興筵末坐啐酒執爵興

降筵西跪奠爵再拜執爵興賓答拜冠者升筵跪奠爵

於薦東興立筵西執饌者徹薦爵賓揖皇子進升筵南

面坐

一品以下無賓降盥主人從降下至此儀其一品
以下嫡子三加冠後酌醴以禮之又有祝辭其庶

子則醮而不醴親
王冠同於庶子

賓之贊冠者跪脫繙衣冠置於櫛箱

畢設纏輿復位賓降二等受遠遊冠

一品以下進賢冠庶人黑介幘

左

執項右執前詣皇子筵前北面跪冠

一品以下詣冠者
筵前東向立祝曰

吉月令辰乃申爾服敬爾威儀淑慎
爾德眉壽萬年永受斯福乃跪冠

興復位賓之贊冠

者坐設籧結纓興復位皇子興賓揖皇子適房賓主俱

坐皇子著朝服

一品以下庶子著絳紗服庶人則白衣襦裙服

出房戶西南面

立賓主俱興賓揖皇子進立席後南面賓詣酒罇所

一品

至三品嫡子冠禮無賓詣酒罇所以下執饌者徹薦爵立俟

取爵酌酒進皇子筵前

北面立祝曰旨酒既湑嘉薦伊脯乃申其服

庶子云爾服

禮

儀有序祭此嘉爵承天之祐皇子筵西拜受爵賓復西

階上東面答拜執饌者薦籩豆皇子升筵末坐啐酒執

爵興筵西跪奠爵再拜執爵興賓答拜皇子升筵坐奠
爵於薦東興立於筵西南面執饌者徹薦賓揖皇子進
升席南面坐賓之贊冠者跪脫遠遊冠庶人脱
黑介幘置於箱
櫛畢設纏興復位賓降三等受冕六品以下爵弁
庶人則黑介幘左執

項右執前詣皇子筵前北面跪冠興復位賓之贊冠者

坐設簪結纓興復位皇子興賓揖皇子適房賓主俱坐

主人贊冠者徹櫛箱入房皇子著袞冕之服庶子及六
品以下爵

弁服庶人
絳公服出房戶西南面立賓主俱興賓揖皇子進立

於席後南面賓詣酒樽所取爵酌酒進皇子筵前北面

立祝曰旨酒令芳籩豆有楚咸嘉其服

庶子云爾服

肴升折

俎承天之慶福壽無疆皇子筵西拜受爵賓復位東面

答拜

三品以上賓之贊冠者跪設簪結纓

興復位冠者

興賓揖冠者適房賓主俱坐冠者著絳紗服庶人

白褶襦服出房戶西南面賓主俱興賓揖冠者進升席

西向坐賓之贊冠者跪脫進賢冠庶人黑介幘置於櫛

箱畢設纓興復位賓降三等受冕六品受爵弁庶人黑

介幘右執項左執前進冠者筵前東向立祝曰以歲之

正以月之令咸加爾服兄弟具在以成厥德黃耇無疆受天之慶乃跪興復位賓之贊冠者設簪結纓興復位

冠者興賓揖冠者適房賓主俱坐主人贊冠者微纓櫛簪箱及筵入於房又筵於室戶西南向冠者著冕服六

品以下爵弁服庶人絳公服出戶西南面賓主俱興主人贊冠者盥手洗禪於房酌醴加柵覆之面葉出房南面立賓揖冠者就筵西面立賓進受醴於室戶東加柵面柄進冠者筵前北面立祝曰甘醴惟厚嘉薦令芳拜受祭之以定爾祥承天之休壽考不忘冠者筵西拜受禪賓復西階上東面答拜一品以下庶子與親王儀同

執饌者薦籩豆設俎於籩豆之南皇子升筵坐左執爵

一品以下用
禪下倣此

右祭脯醢贊冠者取肺一以授皇子奠爵

於薦西興受郊左手執本坐右絕末祭上左手躋之興加於俎皇子帨手執爵祭酒興筵末坐啐酒興降筵西南面坐奠爵再拜執爵興賓答拜皇子升筵坐奠爵於

薦東興贊冠者引皇子降立於西階之南東面初皇子
降賓自西階直西序東面立主人降自阼階直東序西
面立賓少進字之曰禮儀既備令月吉日昭告爾字爰
字孔嘉君子攸宜宜之於嘏永受保之曰孟某甫仲叔
季惟其所當皇子曰某雖不敏夙夜祇奉賓出主人送
於內門之外一品以下賓答拜賓主俱坐冠者升筵跪
入見母進奠脯於薦前退再拜以出冠者母不在則使人受脯於西階下初冠者入見母賓主俱興賓降當西階席東向立主人東序西向立冠者既見母出立於西階之東南向賓少進字之曰禮儀既備令月吉日昭告爾

字爰字孔嘉號士攸宜宜之於嘏永受保之曰字某冠者曰某雖不敏夙夜祇奉賓出送於內門外一品以下庶子取脯見母如嫡子餘如親王如

主人西面請賓曰公辱執事請禮從

者賓曰某既得將事敢辭主人曰敢固以請賓曰某辭

不得命敢不從賓就次主人入初賓出皇子東面見諸

親拜之皇子答拜

一品以下及冠者西南拜

皇子入見

內外諸尊於別所賓主既釋服改設席訖賓贊俱出次

立於門西東西主人出門東西面主人揖賓賓報揖主

人先入賓贊從之至階一揖一讓升各就座後立定俱

升座會就賓主俱興賓立於西階上贊冠者在北少退俱東階主人立於東階上西面

一品以下及眾賓降立於西階下東面庶子同

掌事者受東帛之篚升授主人於東序端主人執篚少進西面立又掌事者奉幣篚升立於主人後於幣篚升牽馬者牽兩馬入陳於內門三分庭一在南北首西上北面賓還西階上北面贊冠者立於左少退俱北面再拜主人進立於楹間南面賓贊進立於主人之右俱南面東上主人授幣篚賓受之退復東面位於主人授幣

篚掌事者又以幣篚授贊冠者退復位主人還阼階上北面拜送賓贊降自西階從者訝受馬於門外賓降主人降送於大門揖牽馬者從出訝受馬於門外賓降主人降送於大門之東西面再拜賓退主人入四品以下於衆賓降並幣篚升授主人於序端賓北面再拜主人進立於楹間南面賓進立於主人之右俱南面賓受幣退復東面位主人還阼階北面再拜送賓降自西階從者拜受幣賓出主人送賓於大門外之東西面再拜賓退主人入庶子同親王儀孔子則諸父諸兄戒賓冠之日主人髻而迎賓拜揖讓如冠主冠於阼醴之庶子醴之及禮賓拜送皆如上儀明日見廟者冠者朝服無廟者見祖禰於寢質明贊禮者引入廟南門中庭道西北賓贊再拜訝

引出六品以下見祖禰於正寢冠者公服庶人常服質明張几筵於正寢贊禮者引入至庭北面再拜訖引出五品以上子孫九品以上子冠假用出身品服其三品以上大功以上親冠同八品九品之服皇子詣

闕至次著朝服通事舍人引皇子入詣皇帝所御之殿至闕閣近臣奏皇帝即御座南向坐近臣引皇子入立於階間北面再拜訖近臣引皇子至皇后殿閣外近臣附奏皇后即御座南向坐司言至闕引皇子入立於階間北面再拜司言引出闕皇子出還第如來儀

明集禮親王即周之同姓諸侯漢之諸侯王也漢室

冠諸侯遣使行事魏氏冠諸王三加禮晉議冠南宮
王不復加使命冠汝南王復用漢遣使之儀劉宋冠
蕃王齊冠南郡王止一加唐制親王冠於廳事主人
行禮天子不自為主止稱賓贊無臨軒遣命之文三
加三醮並同於士也

右隋唐

五禮通考卷一百四十九